

Date – 17/03/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Assam Rifles chhuahsan ram Heritage Court tlangah Aizawl khawpui chei tharna hnathawh bul tanna lungphun Early Bird Project chu Chief Minister Pu Lalduhoman a hawng.
2. Tunlai khawvel boruak avangin mipuiten eirawngbawlina gas-ah harsatna an tawh loh nan State Sawrkar in hma a la reng a ni.
3. Vawiin khan LPG phur India lawnglian Nanda Devi chuan him takin Strait of Hormuz kaltlangin Gujarata Vadinar Port a lo thleng
4. Union Finance Minister Nirmala Sitharaman-i chuan kum 2033 ah chuan mitin tan Health Insurance pek vek tum a ni a ti.



EARLY BIRD PROJECT

Assam Rifles chhuahsan ram Heritage Court tlangah Aizawl khawpui chei tharna hnathawh bul tanna lungphun Early Bird Project chu Chief Minister Pu Lalduhoman a hawng.

Chief Minister chuan thusawiin, he ram hman dan tur reltu Advisory Committee hi mipui huapzo pawl hrang hrangte telna a ni a ti a, he ram hman dan tura thu tlukna hi sorkar ruahmanna siam bik a ni lova mipui aiawh kal khawm te ruahmanna a nih zawk thu a sawi baw . Assam Rifles ram hman dan tur rawtna hi an dawng hnem hle a, tuna mi ang hian an pawm ta a, rawtna dang dawn belh mahse pawm an tum tawh lova, tuna mi hi an thutlukna tawp, ding reng tawh tur a ni a ti baw . He ram hman dan tur an duan fel tawh na-ah hian harsatna chinfel tur pakhat an neih thu sawiin , Mandir sawn an lo tumnaah remchan lohna a awm avangin a sawnna tur dap a ngaih thu a sawi a ni.

Chief Minister chuan Bazar Bungkawna mimal leh pawlten ram an neih, Aizawl Square atana siam tura tiha ram neitute be turin palai an tir dawn a. Ram tan a ni tih hriaa rilru inhawng taka lo dawr turin ram neitute a ngen a ni a ti a. Assam Rifle chhuahsan ram hi kum 130 hnuah mipui tan hawn a ni ta chu a lawmawm hle a ni a ti.

UD & PA Minister Pu K Sapdanga pawhin thusawiin, ram hlutna a san zel laia mipuite'n hectare 17 ngawt mai hmun laili ah ram an nei chu a lawmawm hle a ni a ti a. Kum 50 kalta a UT inthlan hmasa berah khan Aizawl laili atanga Assam

Rifle sawn chhuah hi sawi rik a lo ni tawh a, an chhuahsan theih nan hian party tinten hma an la vek a ti a. Vawiina sorkar chu an vannei a, an hunah a takin a lo thleng ta a ni, a ti.

Assam Rifles ram chei thatna tur Master Plan hi UD & PA chuan a duang a, ruahmanna an siamte chu Advisory Committee hmaah chhawp chhuah niin a tul angin an siam tha a. Advisory Committee-in a pawm tawh te bawhzuitu tur Steering Committee an awm leh a , Advisory Committee meeting neihte- Press Release hi I&PR website-ah dahchhuah zel thin an ni.

Ruahmanna tlangpuiah chuan Saron Veng, BCM Biak In atanga intanin chhuah lamah kawngpui laih tur a ni a, Dak Inpui bulah a chhuak tura ruahhman niin, kawngpui thar sial leh kawngpui awmsa chei nan cheng vbc 23 Cr dah a ni a ,sanction pawh hmuh tawh niin, PWD ten an thawk dawn a ni.

Nikum March ni 15 khan Assam Rifle ram hi official-a Mizoram sorkara hlanna neih a ni a. A kum khatna chamah a chei tharna hna kutthlak tanna neih a ni dawn ta a ni.

<><><>

GOVERNOR

Larsap General (Retd) Vijay Kumar Singh-an India hmarchhak state-te tlawha lokal Ministry of External Affairs hnuai Centre for Contemporary China Studies Multi-disciplinary Team te chu vawiin khan Lok Bhavan, Aizawlah a kawm.

Larsap chuan Centre for Contemporary China Studies (CCCS) te chu hna pawimawh tak thawktu an nih thu sawiin, an kal sual loh nan khawtual dinhmun leh ngaihdante zir Chiang Hmasa Turin a chah a. Mipuite hriat chian hmasak chu thutlukna dik siam kawnga pawimawh a nih thu a sawi a. Mizoram chu agriculture-a inngat leh chhiah lakluh tlemna anih thu sawiin, state thang mek, hmasawna ruhrel din chhoh mekna a nih thu a sawi a. Hmasawna pawh chak taka kalpui mek a nih thu a sawi bawk.

CCCS Team hi CCCS & PPR Joint Secretary Pi Aparna Ray-in hovin nih hnih cham turin nimin khan Mizoram an lo thleng a. CCCS hi Ministry of External Affairs thluak bur pawimawh tak niin, China dinhmun leh hmalaknate zirchianga a tul anga Sawrkar Department hrang hrangte hnena hmalak dan tur kawhmuha thurawn petu a ni.

<><><>

OIL & GAS

Tunlai khawvel boruak avangin mipuiten eirawngbawlina gas-ah harsatna an tawh loh nan Sawrkar laipui chuan theihtawpin hma a la reng a, State Sawrkar pawhin mipuiten harsatna an tawh loh nan chak takin hma a la reng bawk a ni.

Tun dinhmunah nitina Mizoram mipuite mamawh zat eirawngbawlina gas chu bur 7,900 vel a ni a. LPG Distributor hrang hrangah harsatna lian tham awm lovin LPG a thleng mek zel a. Mizoramin LPG a lak luhna, IOCL Bottling Plant, Borkhola ah pawh harsatna awm lovin State mamawh ang tawk lak zel a la ni.

India sawrkarin mipuiten tul lova LPG bur an chhekkhawl loh nan LPG booking tih hnuhnun ber atanga booking tih leh theih hun inkar chu ni 25-ah a rawn bituk thar baw k a. Hetiang boruak kaihnawihah hian mi duham thenkhatin tul lova LPG bur an chhekkhawl leh, man to zawka dan lova an hralh chhawn loh nana hma la turin vawiin atang khan Sawrkarin State Level leh District Level Monitoring Cell a din thar a. He Cell hian mipuiten an chanvo dik tak leh a mamawh tak tak ten LPG bur an dawn theih nan hma a la dawn a ni.

Hetianga chak taka State Sawrkarin hma a lak avang hian mipuite chia i lo tur leh, tul lova LPG chhekkhawl lo turin Sawrkar-in mipui te a ngen tak meuh meuh a, LPG pawh renchem taka hmang turin mipui te a ngen baw k a ni.

<><><>

DURTLANG FOOTBALL STADIUM,

Aizawl Smart City Limited hmalaknaa cheng vbc 20 chuang senga din Durtlang Football Stadium chu Urban Development & Poverty Alleviation Minister Pu K. Sapdanga'n vawiin khan a hawng.

UD&PA Minister Pu K. Sapdanga chuan he stadium saknaah hian sawrkar hmasate sulhnu chhuiin an hniakhnung an zui tiin sawrkar kaltate a fak a; Mizorama Football khelmual tha ber hawn a ni thei ta a ti a, a panna kawng tur pawh ngaihtuah mek a nih thu a sawi a. Bawngkawng leh Durtlang inkarah kawng tha leh changkang tak, complete street design duan vek a nih tawh thu sawiin "sum pawhin a hmuak ran tawh a ni" a ti baw k.

Sports Minister Pu Lalnghinglova Hmar chuan Durtlang Football Stadium hawn thar chu Mizorama Football Stadium tha ber a nih thu sawiin, National Level mai ni lo, International level hialte pawh la khelh ni se tih chu an hmathlir a nih thu a sawi a. Sawkar hmasate hma lo lak tawhnahte lawm thu sawiin, a sak puitlin tak tak nana sawrkar mai bakah MFA, contractor leh khawtlang hruaitute inpekna te, ASCL te hmalaknate chu lawmawm a tih thu a sawi a. Mizoram thalai tam tak ten eizawna atana an hman mek, Football khelhna atan liau liaua stadium serhhran, Dedicated Football Stadium kan nei ta chu Mizoram tan mellung pawimawh tak a nih thu a sawi.

PWD Minister leh bialtu MLA ni baw k Pu Vanlalhlana pawhin thu sawiin, Mizorama Football Stadium tha ber, International Standard sak hlawhtlin a nih theih nana thawktute zawng hnenah lawmthu a sawi a; International Standard Stadium panna kawng a la International Standard ve rih lo chu siam ve thuai a nih tur thu a sawi baw k.

<><><>

LUNGLEI ZOBAWK

Lunglei Zobaw k tuilakna Tlawngnar ami chu tukin atang khan a kangchat a, ruah a sur lo reng anih chuan Zobaw k khua in tui sem leh hunah harsatna an taw k thei dawn ni a thudawn a ni. Zobawkah hian public point-ah tui hi sem a ni a, a hranpa in in chhungah tui connection pek an ni lo. Urban an nih avangin JJM in a tuam ve lo a ni.

PHE hian Lunglei lam atanga Zobawk khaw luh tawntirh , leitan bul leh tlem a tlang sang deuh an huam loh a awm a. Ruah a sur lo reng anih chuan motor a tuisem te pawh a ngai mai thei niin kan corr thudawna chuan a sawi.

Hetihlai hian Lunglei khawpui tui intur Tlawnglui khuah mek chu a san zawng 40ft tur a ni a, km 1.35 ft a thui a chim ang a, tui Litre mtd 240 vel tling thei tur a chhut a ni. Tunah hian ft 26 vel a sang a chim a, tuang taka hna thawh anih chuan March thla-ah hian ruahsur lo mahse April-ah chuan Lunglei khawpuiah tui semah buai lo turah PHED chu an in ngai an ti a. Tui a thuk avang hian tlak leh chetsual a hlauhawm a, chuvangin mitin fimkhur a ngai a ni an ti.

Lunglei khawpuiah tui connection nei 16411 an awm a tui semna section 11 a awm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

LPG

Vawiin khan LPG phur India lawnglian Nanda Devi chuan him takin Strait of Hormuz kaltlangin Gujarata Vadinar Port a lo thleng. He lawng lian hian LPG metric ton sing 6 chuanga rit a rawn phur a. LPG te hi lawng te zawkah lakchhawn niin Tamil Nadu -a Ennore ah leh West Bengal-a Haldia ah te phurh leh anih tur thu Port Authority te chuan an sawi.

Nimin khan LPG phur lawng lian Shivalik chuan him takin Qatar atangin Mundra Port Gujarat a lo thleng tawh bawk a. Heng lawng pahnihte avang hian ramchhunga gas chhekkhawl zat a pun phah leh zual dawn a ni.

<><><>

HEALTH INSURANCE

Union Finance Minister Nirmala Sitharaman-i chuan kum 2033 ah chuan mitin tan Health Insurance pek vek tum a ni a ti. Vawiina Rajya Sabhaa zawhna chhangin Pi Sitharamani chuan health Insurance chu sawrkarin a ngai pawimawh hle tih sawiin abik takin thingtlang lamah uar zawka inhrilhhriatna kalpui a ni a ti a. Gram Panchayat 25000 chuang health insurance-a tuam chhuak turin hmalak mek a ni a ti.

<><><>

INDIA CONDEMNED PAK ACTION

India chaun Pakistan thlawhna ten Kabul-a Omid Addiction Treatment Hospital nizana an kah avanga mi 400 chuang an thih phah chu na takin a dem. External Affairs Ministry thupuangtu Randhir Jaiswal chuan hetiang mi dawizep thiltih hian pawisawilo nunna tam tak a la tih sawiin insawifel mai chi a ni lo a ti a.

Pakistan chuan sipai thiltih chhuanlamin mi tam tak thahna rapthlak a thlentir mek a ti a. Afghanistan ramin zalenna leh amaha thuneihna a neih ve zahlohna anih thu a sawi bawk a ni.

